



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Gaudium Orbis Universi. Sive Lætitia Generis Humani.
Augustissima Cælestium, Terrestrium, & Infernorum
Regina, Deipara Virgo, Maria, Ex Qua Per Benedictum
Fructum Ventris Ejus Post tot Myriades ...**

Schmucker, Mathias

Glacii, 1689

Ad Te suspiramus gementes & flentes in hac lacrimarum valle. Ode VIII.

urn:nbn:de:hbz:466:1-38142

Ad Te suspiramus gementes & flentes
in hac lacrimarum valle.

ODE VIII.

1.

Audite valles, exulis
Angustias dolentis!
Audite petrae, lugubres
Singultientis aestus!
Quem culpa Patris perdidit
Et interemit UNUM
MALUM, MALORUM pessimum,
Mortique mancipavit.

2.

Vestigal hoc est arboris
A patre prostituta,
Hæc est gulæ vindemia
QUERI, DOLEKE, FLERE,
Hoc triste patrimonium,
Censusque filiorum,
GEMENTIUM, DOLENTIUM
P L O R A N T I U M Q U E
pœnam.

3.

Extorris erro Patriâ
Damnatus ad catastam
Inter vepreta vallium
& Rubosque, carduosque,
occulta mortis vincula,
Hostesque fraudulentos.

Gen: 2.

Quî liberale concinam
In nostra damna carmen?

4.

Non est libido barbyton,
Aut personare buxum,
Cum pectus à singultibus
Et questibus tremiscit,
Quæ dextra tergit lumina,
Negat ferire chordas,
Et uda labra lacrimis
Festum ciere cantum.

5.

Ad nostra nil discrimina
Planctusque lacrimasque
Amphiones, nec Orphei,
Nec læta plectra lini,
Nec fistra Phæbi conferunt
Dum tempus est gemendi,
Risus nihil Democriti,
Sed fletus Heracliti.

6.

Infamis odas Exulis
Latas recusat angor,
In Orbe nescit extero,
Nec fert sonare plectra,
Nec apta tellus cantibus
Est ista, nec Camænis.

Cum

Cum mæsta fractas nœnia,
Lelsúsque pulsat aures.

7.

Vigil suis obtutibus
Stat fixa mens malorum,
Et triste grandis Exilij
Cor strangulantis horror,
Imago primæ pectori
Felicittatis hæret,
Et aevorati Numinis
Scientiaque pomum.

8.

Suos gemebat Israël (b)
Captivus inter hostes,
Tergum gravatus vinculis (c)
Et saucius flagellis,
Cæmenti onustus pondere, (d)
Paleis, lutóque pressus,
Cantare jussus cantica, (e)
Cui fletus ora clausit.

9.

Quid Sanniones Mempheos (f)
(Inquit) Sionis odas?
Quid imperatis organa,
Quid verba cantionum?
Quem dura stringit servitus,
Compésque mancipavit,
Ab hoe, Canope. carminis
Nil mollis impetrabis.

10.

Babylonis inter flumina
Crepidinémque Nili
Sedere fecit orbitas,
Et dura fors tributi,
Illinc memor Sionis
Mens Urbis æstuabat,
Inambulare Pergama,
Et involare tures.

11.

O si videre pulverem
Tuum Sion liceret!
Fumósque terræ patrios
Riguique fontis undam
Nil servitus, nil vincula,
Nil flagra, nil labores
Nil mortis atrocissimæ
Percellerent agones.

12.

Anhelus iste, nauseas
Quot, ardor, excitavit
Quot vota? quot suspiria
Quot tela cordis arce
Emissa plena luctibus?
Quot stagna lacrimarum
Immixta Nili fluctibus
Præter fluentis undæ

13.

Festum melos, suspiria
Lamenta crebra, cantum

(b) Exod. 1. (c) Exod. 5. (d) Exod. 8. (e) Psalmi 136. (f) Ibidem.

Pæna sunt ludibria
Interminata vicis;
Suspenda ramis organa
Salicúmque plectra, trun-

cis,
Mæstos jubent mutescere,
Et imperare luctus.

14.

Ruina Samson hostium, (b
Et Hercules Apella,
Gigantibus par robore,
Gradivus Israëlis,
Certare doctus cum feris, (i
Urfis, Leonibúsque,
Claváque fortis ossæ (k
Viros ferire mille.

15.

Frontis gemebat perfidas (l
Eliminatus umbras,
Tuósque serò depilis
Fastidians amores,
Falsus Philistin psallere,
Qui fere maluisset,
In vena lacrimabilis
Exaruisset undæ.

16.

Um parricidam filium (m
Patri David rebellem,
Exu comarum pensilem
Quercúque palpitantem,

Tribúsque fixum lanceis
Vixisse comperisset,
Heu! corde quæ suspiria,
Quos edidit dolores?

17.

Gemebat heu! ah Absolon!
Ah Absolon! gemebat; (n
Ah Absolon! quis me mori
Quis interire pro te?
Ah Absolon! sanguis meus
Heu! Spes Patris peristi?
Si non datur pro te mori,
Quis det perire tecum?

18.

Quantis suum suspiriis (o
Luxit Jacob Josephum?
Cruore tinctam filii
Cum eerneret lacernam?
Ah fera Josephum pessima,
(Geminabat, & gemebat)
Joseph peremit bestia
Crudelis, & voravit.

19.

Quid restat ultra vivere
Cum nostra vita vixit?
Deducet hæc ad inferos
Canos meos ruina,
Hoc perditio sunt perdita
Quæcunque me beare
Felicitas, aut Sors potest
Mibi prorogare vitam.

E 20. Fe-

(b Judic: 14. (i Ibidem. (k Judic: 15. (l Judic: 16. (m 2.
Reg: 18. (n Ibidem. (o Gen: 37.

Oh
40

20.

Felix quot infelicitas,
Iosephe somniator, (p
Fletus, preces, suspiria
Excivit innocenti?

Quantum tremebas proximo
Iugulandus ense fratrum?
Vetusque cum te clauderet
Cisterna deprecantem?

21.

Tremebat innocentia (q
Ab Ismaele vineta,
In servitum vendita
Argenteis viginti,
Jugoque deo Aegypto
Afflicta, vinculisque,
Cum Tulliano Putiphar
Eunuchus hanc teneret.

22.

Chalybe ligatus nexili, (r
Vinctus pedes catena,
Adulter insons plectitur,
Damnatus ad securim,
Pudica conscientia (s
Sentit, gemitque ferrum
Animam doloris transiens,
Tyrannidemque Læna.

23.

Tuos quis Anna turbines
Quis explicet procellas?
Quis vellicantes pectoris
Curasque, timeasque?

Lamenta quis, Ragefium
Cum missus est Tobias
Ut æs, dedit quod mutuum
Referret a Gabelo?

24.

Quantis domus tumultibus
Quot planctibus sonantibus
Cur Nate te dimisimus
Spem stirpis & senectutis
Nostri levamen ponderis
Manusque scipionis
Basim ruinæ, & ultimam
Profapiae columnam?

25.

O si talenta nuspian
Numerasset ulla campum
Nam praestitisset hæc
Nec esse visa Patri,
Dilecte quam te perdes
Et interire Nate,
Propago nostri sanguinis
Domusque firmitudinis

26.

Victoriosus prælio (s
Redux ab hoste Jephthae
Plenus triumphis, patris
Reversus ad penates
Ut glorioso Jephthae
Primam daret salutem
Prima obviavit Pfaltis
Ex Urbe Nata Patri

(p Ibidem. (q ibid. (r Gen. 39. (s Ps. 104. (t Tob. 5. (u Ju

27.

Prima: ah fuisset ultima
Penitusque visa nulli!
Aspectus instar fulminis
Hic terruit parentem.
Et quæ secundos credidit
Latura Virgo plautus,
Ignara cecinit funeris
Sibi victimanda lessum.

28.

Inter Camænas Virginum
Chorósque, Pfaltriásque,
Latásque tympanistrías
Pæana concinentes,
Pallere sephte, lacrimis
Undantibus per ora,
Geménsque cordis intimum
Sui loqui dolorem!

29.

Eheu! quid ausa filia?
Me, téque sæva perdis!
Deceptus ego, decepta tu!
Voti reum parentem
Infausta cogis filia
Crudelis ut sit in te,
Cadásque cultro victima,
Deo immolanda, Patris!

30.

Cur Exteros Dux prælio
Victoriosus hostes
Stravi? peremi? proprio
Victoriæ litare

Si cogor, cheu! sanguine,
Meus mihimet hostis?
Heu! præstitisset millies,
Quàm sic perire, vinci!

31.

Dixit: nec ultra perditum
Tulit procella fari:
Aversus à Sostalibus
Et Virginum corona
Vultum; parens, ah filia!
Mæstum gemebat, ah te
Inauspicatam filiam
Patrénique luctuosum!

32.

Jam nemo lætum plaudere,
Chelyn sonare nemo,
Chori filere Virginum,
Lugere signa belli,
Trophæa syndon induit,
Funesta, cassidésque
Cristis & auro splendidas
Atrágalerus umbrâ,

33.

O pompa lamentabilis
Festúmque luctuosum!
Larix, olivam funerat,
Cupressus atra laurum,
Taxus coronis nectitur,
Tristisque tæda palmis,
Chorus abit in funalia,
Triumphus in sepulcrum.

B 2

34, Sic

34.

Sic gloriosus filiam
Luget, gemit, dolétque
DUX virginalis victimæ
BELLI PATER, SACER-
DOS,

Sic montibus, sic vallibus
Vagata Virgo flevit
Integritatis candidum
Intaminata florem.

35.

Quis exprimat tristissimæ (*
Rachelis ejulatus?
Quis impotentis syncopes
Animique, viriúmque?
Suos videret liberos
Cùm morte cecidisse,
Suæque vitæ maximam
Periisse portionem?

36.

Petita quæstu fidera,
Domus repleta fletu,
Instar furentis Mænadis
Æstu, soluta crinem
Concita; frustra pignora
Amiffa clamitare,
Nec lacrimis mitescere,
Solatisque flecti.

37.

Hæc luminum canalibus
Quæ fluxit unda plenis,

⁂ Matth. 2.

Laxisque ceu siphonibus
E fonte palpebrarum,
Citis pares torrentibus
Ferociunt, rutilque
Lapsæ per ora lacrimæ,
Et excitant tumultus,

38.

Sed cùm furentis alvei
Diffusus imber agris
Se liberavit impetu,
Suúmque fregit amne
Brevis quieta marginis
Vix lymphalambit herba
Tandémque tota perdit
Arétque ripa rivo.

39.

Sic primatempestatibus
Cùm se Doloris ira
Exasperat, depascitur
Rationis omne germe
Vastátque præceptis omnia
Ruens in ima luctus
Nec se teneri sustinet
Suo fremens furore.

40.

Procella cùm deferbuit
Seséque fregit ardor,
Et quæ priùs caligine,
Et cæca mens tenebris
Inhorruit, malacia
Est restituta cordi,

Eva

Evanūitque lacrima
Luctus, dolor, querelæ;

41.

Disparuere nubila,
Imago tristis umbræ,
Post fulgura, & tonitrua,
Imbrésque, grandinésque,
Serenior se nubibus
Evolvit, & reluxit

Sol puriore lumine,
BONUM DIEM QUÆ
dixit.

42.

Ploratus hic ephemerus,
Et planctus est dialis,
Oriente sole nubilus,
Serenus occidente,
Sed heu! perennes lacrimæ
Cor strangulante luctu,
Totis fatigant noctibus,
Premuntque nos diebus.

43.

Hic meta nulla fletibus
Stat fixa, nec querelis,
Nunquam remittit dextera,
Nec spongiam sinistra,
Quæ mæsta tergat lumina,
Et exprimat liquorem,
Rursūmque crebris impleat,
Stillante rore, guttis.

44.

Hæc sunt dolorum balnea
Baia, lacusque caldi,
Valles inundant lacrimis,
In lacrimis natamus,
Hi nos flagellant turbines,
Jactamur his procellis,
Hæc navigamus æquora,
His naufragamur undis.

45.

Colles tument in ardua.
Valles hiant in ima,
Prærupta pendent montium,
Scissisque saxa petris,
Ululæ cavernis abditæ,
Et Noctuæ Chorales,
Eubóque, nostris adsonant,
Et adgemunt querelis.

46.

Hæc hospitamur Regiâ,
Angustiamur aulâ,
Hæc Galtrimargi plectimur,
IN VALLE LACRIMA-
RUM,

Sub mole plorat imbrium,
Niviūmque pressa Vallis:
Nos mole pressi criminum,
Et flemus & dolemus.

47.

Valles, cloacas montium. (y
Cecinit Poëta nuper:

E 3

In

(y Jac: Balde S. J. de Vanit. Mundi stroph 5: in scz.

In his cloacis volvimur,
 Ut merfa porca cæno?
 Suas lucunas Idalis
 Libidinosa spumat,
 Fædâ putres uligine,
 Et sordidas mephyti.

48.

Suâ natans axungia,
 Et defluente lardo,
 Ventrîs liquato sumine
 Et viscerum suburrâ,
 Intérque Liber ebrias
 Verres volutus orcas,
 Et nauseantes bellua
 Stertit sepulta ructus.

49.

Et adhuc Merones Caldii,
 Et Porcii gulones;
 Et prostitutæ Cypridis
 Phrynésque, Thaidésque,
 Gaudent suis se sordibus,
 Et innatare cæno,
 Suâsque credunt cinnamum,
 Et ballamum cloacas.

50.

Quin festa ludunt orgia,
 Cytharam, chelynque pul-
 sant, (z
 Cantant, tenentque tympa-
 num,
 Sistrum, lyrâque Cypri,

(z Job, 21.

Ducunt choreas Bassaræ
 Fauno rotante thyrsu
 Ad signa gaudent organi
 Jocantibus cinædis.

51.

O stulta mens mortalium,
 Cæcæque mentis umbra
 Pulsante Fato januam
 Foris que præstolante;
 Hiante Terrâ; Tænaro
 Immugiente prædæ;
 Ridetur inter lacrimas,
 Saltatur in ruinis.

52.

Ignara nescit gutturi
 Suo imminere ferrum,
 Et se macello proximam
 Stygi brevi dicendam.
 Nos interim plorantibus
 Et lacrimis mademus,
Fientes, gementes, exules,
 Meliora præstolantes.

53.

Hæc destinata luctibus,
 Doloribusque *VALLIS*
 Nulli locum choragio
 Nec explicat chorauli,
 Ex hac vocamus *Exules,*
Clamamus & rogamus,
Maria Mater Exulum
 Esto memor Tuorum.

54.

§4.

Maria ab alto Collium
Æternitatis, audi
Tuo favore supplices,
In hac tuere VALLE,

Salso natantes gurgite,
Marique lacrimarum,
Ut Exules in Patriam
E vallibus migremus,

Eja ergo Advocata nostra.

ODE IX.

I.

Cùm tota Phæbe fulgurat,
Et plena fratre turget,
Tunc TOTA PULCRA dicitur,
Sed PULCRIOR MARIA;
Est illa stellis comptior,
Sed COMPTIOR MARIA,
Serenior, formosior,
Ornatior MARIA,

Dispergit ille lumina,
Sed gratias MARIA,
Sol ortus ægris gaudia,
Dat Virgo sanitatem:
Is arcet umbras noctium,
Sed mentium MARIA.

2.

Suum minora Regium
Venerantur Astra Sidus:
Plantis MARIÆ supplices
Curvant genu Planetæ,
Cælum ministrat Virgini,
Sub calce servit Orbis,
Creataparent omnia
Cùm jusserit MARIA,

4.
Solaureo cùm pectine
Comit jubas Leonis.
Arctoa cessant frigora,
Septem-calent-triones,
Cùm lux MARIÆ fulserit,
JUDÆ LEONE plena,
Hiems, pruina, nix, gelu,
Toto exulabit Orbe.

3.

A sole splendent sidera,
Peccator à MARIA:

5.
Thronus Maria Numinis,
Olympus est Maria. (#
Fons Cynthij, fons Cynthiæ
Fons lucis est MARIA,

E 4

Hanc

OH
+0

(a) Cyrillus Hierosol : ferm : de B. V. M. S. Bonav : spec : B. V. M.
lect. 14. S. Greg : Neoc : ferm 1. de Annunc.